

II - ARABAKO LURRALDE HISTORIKOAREN TOKI ADMINISTRAZIOA

BASTIDAKO UDALA

Eguneko arretarako landa zentroko zerbitzuaren hitzarmenaren formalizazioaren eta haren kudeaketa esleipenaren behin betiko onespena

Eguneko arretarako landa zentroko zerbitzuaren hitzarmenaren formalizazioa eta haren kudeaketa esleipena jendaurrean egon da 30 egunez, 2021eko abuztuaren 11ko ALHAOn (90. zk.) sartutako 2021/3512 zenbakiko iragarkiaren bidez. Erreklamaziorik aurkezten ez bada, eta zerbitzua ematea arautzen duen arautegia eta zerbitzuaren prezio publikoa ezartzearen eta arautzearen ordenantza behin betiko onetsi ondoren, hitzarmena behin betiko onetsi dela ulertuko da.

Eguneko arretarako landa zentroko zerbitzuaren hitzarmenaren formalizazioaren eta haren kudeaketa esleipenaren espedientea jendaurrean egon da 30 egunez, 2021eko abuztuaren 11ko ALHAOn (90. zk.) sartutako 2021/3510 zenbakiko iragarkiaren bidez. Hasierako onespeneren erabakiaren aurka ez denez aurkeztu erreklamaziorik edo oharrik, behin betiko onetsizat jotzen da eguneko arretarako landa zentroko zerbitzua ematea arautzen duen arautegia.

Eguneko arretarako landa zentroko zerbitzuaren prezio publikoa ezartzearen eta arautzearen espedientea jendaurrean egon da 30 egunez, 2021eko abuztuaren 11ko ALHAOn (90. zk.) sartutako 2021/3510 zenbakiko iragarkiaren bidez. Hasierako onespeneren erabakiaren aurka ez denez aurkeztu erreklamaziorik edo oharrik, behin betiko onetsizat jotzen da eguneko arretarako landa zentroko zerbitzuaren prezio publikoa ezarri eta arautzea.

Behin betiko onesten dira eguneko arretarako landa zentroko zerbitzuaren hitzarmena eta haren kudeaketa esleipena. Eguneko arretarako landa zentroko zerbitzuaren eskumenak eskuordetzeko eta eguneko arretarako landa zentroko garraio egokituaren zerbitzuaren kudeaketa esleitzeko Bastidako Udalaren eta Arabako Foru Aldundiaren arteko hitzarmenaren testu osoa ematen da argitara, denek jakin dezaten.

Bastida, 2021eko irailaren 24a

Alkatea

LAURA PÉREZ BORINAGA

Eguneko arretarako landa zentroko zerbitzuaren eskumenak eskuordetzeko eta eguneko arretarako landa zentroko garraio egokituaren zerbitzuaren kudeaketa esleitzeko Bastidako Udalaren eta Arabako Foru Aldundiaren arteko hitzarmenaren testu osoa

Gizarte Zerbitzuei buruzko abenduaren 5eko 12/2008 Legea ongizate estatuaren oinarria da, eta bertan arautzen da botere publikoek zuzenbide titular diren pertsona guztiei prestazioak eta gizarte zerbitzuak jasotzeko eskubidea bermatu behar dietela, bertan zehaztutako terminoetan eta Gizarte Zerbitzuen Euskal Sistemaren Prestazio eta Zerbitzuen Zorroari buruzko urriaren 6ko 185/2015 Dekretuan ezarritako terminoetan. Hori guztia Arabako Foru Aldundiak eta lurralde historikoko udalek Gizarte Zerbitzuen Plan Estrategikoaren esparruan 2016ko uztailaren 22an berretsitako Arabako Lurralde Historikoko Gizarte Zerbitzuen maparen arabera.

12/2008 Legearen 22. artikulua arabera, eguneko arretarako zerbitzua udalaren eskumenekoa da, eta ahalmen ugari ematen dizkio, baina lurralde historikoko udalerrri gehienek ez dute zerbitzu hori emateko behar diren azpiegiturarik, tamaina eta biztanleria txikia dutelako.

Toki Araubidearen Oinarriak arautzen dituen apirilaren 2ko 7/1985 Legearen 31. artikulua arabera, aldundiek bermatu egin behar dute udalen eskumenekoak diren zerbitzuak lurralde guztian modu integralean eta egoki ematen direla, eta testu beraren 36. artikuluari jarraiki, aldundiek, besteak beste, udal zerbitzuei dagokienez modu juridikoan, ekonomikoan eta teknikoan laguntza emateko eta lankidetzan jarduteko funtzioa dute. Horrek aholkatzen du Arabako Foru Aldundiak parte hartzea udal eskumeneko zerbitzu hori ematen.

Horregatik, lurralde osoan zerbitzuaren eraginkortasuna bermatzeko mekanismoak ezartze aldera, komenigarria da lankidetzaren esparru bat antolatzea Arabako Foru Aldundiaren eta hala erabakitzen duten udalen artean, udal eskumeneko eginkizun jakin batzuk gauzatzeko.

Lankidetzaren horrek administrazioen arteko lankidetzaren, kooperazio eta laguntza printzipioetako legeak oinarria du, eta besteak beste hauetan jasotzen dira horiek: Sektore Publikoaren Araubide Juridikoaren urriaren 1eko 40/2015 Legearen 140. artikulua eta hurrengoak eta hitzarmen honetan gauzatzeko gizarte zerbitzuen legearen 43. artikuluan eta hurrengoetan.

Udalek eguneko arretarako zerbitzuari dagokionez dituzten eginkizunen izaera desberdina dela eta, beharrezko da lehen aipatutako 40/2015 Legearen 47. artikulua eta hurrengoaren arabera izenpetutako hitzarmen honetan jasotzea bai lankidetzaren formula bat gizarte prestazioarekin lotutako eta prezio publikoa biltzearekin lotutako administrazio prozedurak izapidetzeari eta garatzeari buruzko eginkizunen eskumena eskuordetzeko bai eguneko arretarako landa zentroaren garraio egokituaren zerbitzuaren kudeaketa esleitzeko.

Kontuan hartuz foru lankidetzaren oinarrietako bat dela zerbitzuaren kalitatea eta intentsitatea Arabako udalerrri guztietan antzekoa izatea sustatzea, beharrezkoa da zerbitzua eta prezio publikoak arautzen dituen araubidea berdina izatea hitzarmena sinatzen duten udalerrri guztientzat. Horrez gain, eskumenak lagatzea erraztuko da, eta horregatik, zerbitzuaren araubidea eta bere prezio publikoarena hitzarmenaren eranskin bezala gehitu dira.

Hitzarmen hau atxikitzen zaizkion lurralde historikoko udalerriei aplikatuko zaie, honako hauetan adierazitako baldintzetan:

KLAUSULAK

Lehenengoa. Xedea

1.1. Hitzarmen honen xedea da Arabako Foru Aldundiaren esku uztea Bastidako Udaleko eguneko arretarako landa zentroaren zerbitzuaren arloko eskumenak, eta eguneko arretarako landa zentrorako joateko garraio egokituaren zerbitzua kudeatzeko esleipena ematea.

1.2. Hitzarmenetik kanpo geratuko dira eguneko arretarako landa zentroko zerbitzuaren informazioari, balorazioari, diagnostikoari eta orientazioari buruzko udal eginkizun eta eskumen guztiak, oinarrizko gizarte zerbitzuetakoak direnez, zuzenean udalerriek eta/edo kuadrillek

emango dituztelako. Era berean, oinarrizko gizarte zerbitzu horiek erreferentziako profesional bat esleituko dute. Profesional horrek kasuaren koordinazioa bere gain hartuko du; Banakako Arreta Programa egingo du, edo, hala badagokio, Arreta Pertsonalizatuko Plana, pertsona edo familia erabiltzailearen parte hartzearekin; esku hartzearen jarraipena egingo du, Gizarte Zerbitzuen Euskal Sistema osoarekin koordinatuta; eta, interesdunei orientazioa eta laguntza emango die beren eskaera formalizatzeko eta kasuan kasuko espedienteak bideratzeko beharrezkoa den dokumentazioa aurkezteko.

Bigarrena. Eguneko arretarako landa zentroko zerbitzuaren araubidea eta hitzarmenaren eraginkortasuna

2.1. Arabako Foru Aldundiak eta Bastidako Udalak Hitzarmen hau sinatzeko konpromisoa hartu dute, eguneko arretarako landa zentroaren zerbitzua arautzen duen udal arautegia eta dagokion zerga ordenantza onetsi ondoren. Araudi horiek Hitzarmen honi erantsi zaizkio, I. eta II. eranskin gisa, hurrenez hurren.

2.2. Araudi hori onestea eta indarrean egotea ezinbestekoa da hitzarmen hau eraginkorra izan dadin eta indarrean egon dadin.

Hirugarrena. Eskumenak lagatzearen irismena

3.1. Bastidako Udalak Arabako Foru Aldundiari lagako dio honako eskumenak egikaritzea eguneko arretarako landa zentroaren zerbitzuaren alorrean:

a) Oinarrizko gizarte zerbitzuek izapidetutako espediente guztiak baloratzea, horretarako ezarritako Balorazio eta Orientazio Batzorde Teknikoaren bidez. Adostasunik ez badago, espedientea bideratu duen udalak/kuadrillak izendatutako pertsona sartu ahal izango da.

b) Proposamen teknikoak egiten denetik (udaletako gizarte zerbitzuek egiten dutena) hori erabat amaitu arte izapidetzea zerbitzu hori ematearekin zerikusia duten administrazio prozedurak, horretarako behar diren ebazpenak emanez, eta, bereziki, prestazio hori jasotzeko eskubidea aitortzeari, eskuratzeari, eteteari eta/edo azkentzeari buruzkoak, eguneko arretarako landa zentroko zerbitzua arautzen duen udal arautegian ezarritakoaren arabera.

c) Zerga ordenantzan ezartzen diren zerbitzuen prestazioaren prezio publikoak kudeatzea, likidatzea, ikuskatzea eta biltzea, toki ogasunak arautzen dituen araudian eta, osagarri gisa, Arabako Zergei buruzko Foru Arau Orokorrean ezarritakoaren arabera.

d) Eguneko arretarako landa zentroko zerbitzu alorrean zehapen ahalmena egikaritzea, eta legez egin beharreko ikuskaritzak eta egiaztaketak egitea.

e) Lagatutako eskumenak egikaritzuz emandako egintzen aurka jarritako administrazio errekursoak ebaztea.

3.2. Arabako Foru Aldundiari dagokio eskuordetze bidezko eskumen hori egikaritzea, indarrean dagoen araudiaren arabera, eta bereziki zerbitzuaren araubidearen eta bigarren klausulan aipatutako prezioaren arabera.

Laugarrena. Eguneko arretarako landa zentroko garraio egokituaren zerbitzua ematearen kudeaketa esleipenaren irismena

4.1. Bastidako Udalak Arabako Foru Aldundiaren esku utzi du eguneko arretarako landa zentroko garraio egokituaren zerbitzua, eta aldundiak onartu egin du.

4.2. Arabako Foru Aldundiak garraio egokituko zerbitzua behar bezala emateko behar diren jarraibideak eta aplikazio irizpideak eman ahal izango ditu.

4.3. Kudeaketa esleipen hori Arabako Foru Aldundiak gauzatu ahal izango du zuzenean edo zeharka, kontratazioa edo hitzarmena legez ezarritako moduan eginez, eta bere gutzitako iraupenak ez du hitzarmen honen indarraldia gaindituko.

Bosgarrena. Gobernu eta Koordinazio Batzordea

5.1. Gobernu eta Koordinazio Batzordea sortu da, hitzarmen honetan jasotako hizpaketak betetzen direla jarraitzeko, kontrolatzeko eta sustatzeko eta hitzarmena interpretatzeko.

Hauek osatuko dute Gobernu eta Koordinazio Batzordea:

- Udaleko sei (6) ordezkari, eremu hauetako bakoitzeko bi ordezkari egongo direlarik: Aiara, ipar-ekialdeko Araba eta hegoaldeko Araba.

- Arabako Foru Aldundiko Gizarte Politiken Saileko hiru (3) ordezkari.

5.2. Gobernu eta Koordinazio Batzordeari dagokio antolamendu eta funtzionamendu arau-tegi propioa sortzea.

5.3. Hitzarmen honetan eta bere antolakuntza eta funtzionamendu araubidean aurreikusita ez dagoen guztirako, Gobernu eta Koordinazio Batzordearen funtzionamendua Sektore Publiko Araubide Juridikoaren urriaren 1eko 40/2015 Legean ezarritako kide anitzeko organoen funtzionamendu arauen arabera gauzatuko da.

Seigarrena. Gobernu eta Koordinazio Batzordearen eginkizunak

6.1. Hauek dira Gobernu eta Koordinazio Batzordearen eginkizunak:

a. Hitzarmen hau planifikatzea, koordinatzea, jarraitzea, kontrolatzea, txostena egitea eta interpretatzea.

b. Hitzarmen honetan aldaketen edo berrikuntzen berri ematea.

c. Hitzarmen honetan berariaz jasota dauden eskuduntzak egikaritzea.

6.2. Gobernu eta Koordinazio Batzordeak urtero jasoko du hauei buruzko informazioa:

a. Hitzarmenaren egikaritze egoera, baita ekitaldi bakoitzeko gorabeherak ere.

b. Erakunde sinatzaileek egin ditzaketen proposamenak, kexak edo iradokizunak.

6.3. Urtero Arabako Politika Zerbitzuen Erakunde Arteko Mahaian aurkeztuko da Arabako Lurralde Historikoko eguneko arretarako landa zentroko jarduerari buruzko memoria, lurralde horretako udalekin eguneko arretarako landa zentroko zerbitzua emateko sinatutako hitzarmenen esparruan.

Zazpigarrena. Eskuordeturiko eskumenak eta kudeaketa esleipena egikaritzea

7.1. Eskumenak eskuordetzean ez da titulartasuna lagako, eta hala, une oro, titulartasuna udalarena izango da, bakarrik egikaritzea eskuordetuko delarik.

7.2. Arabako Foru Aldundiak Gobernu eta Koordinazio Batzordeari jakinaraziko dio eskuordetutako eskumenen egikaritzeari eta esleitutako zerbitzuaren garapenari buruz, urtean behin behintzat.

7.3. Bastidako Udalak edonoiz eskatu ahal izango du Arabako Foru Aldundiari lagatutako eskumenak egikaritzeari buruzko informazioa, baita esleitutako zerbitzuaren prestazioari buruzkoa ere. Horretarako idazkia bidali beharko dio Arabako Foru Aldundiaren Gizarte Politiken Saileko foru diputatuari. Arabako Foru Aldundiak eskatutako informazioa bidaliko du gehienez ere eskaria Arabako Foru Aldundian sartu eta erregistro egun horretatik aurrera zenbatzen hasita hogei egun balioduneko epean.

Zortzigarrena. Ekonomia eta finantza araubidea. Hitzarmenkideen konpromisoak

8.1. Bastidako Udalaren konpromisoak (Udalak eguneko arretarako landa zentroekin).

a) Bastidako Udala arduratuko da eguneko arretarako landa zentroaren zerbitzua dagoen higiezia behar bezala zaintzeaz eta mantentzeaz, eta bere gain hartuko du hornidura gastuak ordaintzea.

b) Bastidako Udalak konpromisoa hartzen du eguneko arretarako landa zentroko zerbitzuaren prestazio integralaren gastuetarako bere ekarpena zerbitzuaren kostu osoaren ehuneko 20 izango dela.

8.2. Bastidako Udalaren konpromisoak (eguneko arretarako landa zentrorik gabeko udalekin).

a) Bastidako Udalak konpromisoa hartzen du eguneko arretarako landa zentroko zerbitzuaren prestazio integralaren gastuetarako ekarpena izango dela Bastidako Udalak zerbitzu horretan okupatutako plaza bakoitzaren ehuneko 20.

8.3. Arabako Foru Aldundiaren konpromisoak.

Arabako Foru Aldundiak konpromisoa hartzen du eguneko arretarako landa zentroko zerbitzuaren prestazio integralaren gastuetarako ekarpena izango dela haren kostu osoaren ehuneko 80 eta garraio egokitua emateagatikosten gastuen ehuneko 100.

8.4. Urtero likidatuko dira aurreko puntuetan hartutako konpromisoak.

Bederatzigarrena. Araubide juridikoa

Hitzarmen honek administrazio izaera dauka. Hitzarmena eta bere egikaritzean emandako egintzak eta erabakiak edo hitzarmenetik eratorritakoak berrikustea administrazioarekiko auzien ordenari dagokio.

Hamargarrena. Iraupena

10.1. Hitzarmenak lau urteko iraupena izango du eta 2021eko urtarrilaren 1ean sartu da indarrean. Hitzarmenaren indarraldia eta eraginkortasuna bigarren klausulan aurreikusitakoaren arabera izango dira.

10.2. Hitzarmena amaitzean luzatu egin ahal izango da, alderdiek aho batez hala adosten badute, hasierako iraupenaren iraupen bererako. Aldeetako batek hitzarmena ez luzatzeko asmoa badu, hitzarmena bukatu baino, gutxienez, sei hilabete lehenago jakinarazi beharko dio besteari asmo hori.

10.3. Udal batek, edozein arrazoi dela-eta hitzarmen hau ez luzatzea erabakitzen baldin badu, ez da hitzarmena deuseztatuko bere oinarrizko eremuko gainerako udalei dagokienez.

Hamaikagarrena. Hitzarmena deuseztatzeko arrazoiak

11.1. Hauek izango dira hitzarmena deuseztatzeko arrazoiak:

a. Alderdien arteko erabakia.

b. Alderdietako batek egindako salaketa, gutxienez salaketaren ondorioen aurretiko sei hilabete aurretik.

c. Gobernu eta Koordinazio Batzordearekin ados ez egotea hitzarmen honetako oinarrizko klausulak interpretatzeari dagokionez.

d. Oinarrizko betebeharrak ez betetzea. Deuseztatze arrazoia aplikatzeko, hitzarmena deuseztatu nahi duen erakundeak aurretiaz Gobernu eta Koordinazio Batzordeari jakinarazi beharko dio deuseztatze arrazoia eta horretarako asmoa duela. Jakinarazpen hori egin ondoren, batzordeari deialdia egingo zaio eta batzordea gehienez ere hamabost egun balioduneko epean bildu beharko da, aurretiaz beste alderdiari izapidetzea eginda, ebazpenaren arrazoiari buruzko txostena emateko. Batzordearen txostena eman ondoren, erakunde interesatuak dagokion ebazpena emango du.

e. Hori betetzeko gerora sortutako ezintasuna, eta halakotzat hartuko da, besteak beste, Udalak onartu edo aldatzea eguneko arretarako landa zentroko zerbitzuari buruzko araudi bat, aurrez adostutakoa ez dena, hitzarmen honen bigarren klausulan ezarritako baldintzetan eta salbuespenekin.

f. Indarraldiko eta luzapeneko gehienezko epea igarotzea.

11.2. Hitzarmena ebatzen edo iraungitzen denean likidazioa hasiko da, eta hala, eraginpeko udalari aurretiazko entzunaldia eman ondoren, Arabako Foru Aldundiak egingo du eta Gobernu eta Koordinazio Batzordeak onetsiko du.

11.3. Bastidako Udalak, bere aldetik, hitzarmena bertan behera uzten badu Arabako Foru Aldundiak hitzarmena ez betetzeagatik, Arabako Foru Aldundiak kalte-galerengatik kalte-ordaina ordaindu beharko du.

Hamabigarrena. Datuen babesari

Bi alderdiek adierazten dute ezagutzen dituztela Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoa, datu pertsonalen tratamenduari dagokionez pertsona fisikoen babesaren eta datu horien zirkulazio askearen inguruko arauak ezartzen dituen Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamendua (Datuak Babesteko Erregelamendu Orokorra onesten duen 95/46/EE Zuzentaraua indargabetzen du), bai eta une bakoitzean aplikatu beharreko datuen babesari buruzko gainerako araudia ere, eta konpromisoa hartzen dute araudi horietan aurreikusitako eskakizunak betetzeko hitzarmen honen inguruko pertsona fisikoetatik lortutako datuei dagokienez.

Hamahirugarrena. Hitzarmenera atxikitze prozedura

Hitzarmen hau sinatzeko udalbatzaren kasuan kasuko erabakia beharko da, non hitzarmena sinatzea onetsiko baita, guztiz onartuta klausula guztiak, eta aurretiaz onetsita hitzarmen honetako bigarren klausulan aurreikusitako araubidea.